

Nā Nīnau Ho'ono'ono'o

He mau nīnau ho'owala'au a hō'eu i ka hana pili i nā wikiō Kumukahi



Kumuhana: **HO'OPONOPONO**

Mokuna: Mauli ola

Māhele: Nā Kānaka

Hoa hele: Keola Akana

Kama'āina: Sean Chun

Paena: http://www.kumukahi.org/units/na_kanaka/mauliola/hooponopono

Nā nīnau kiko'i

1. He aha ka mana'o o "pono"? He aha ka mana'o o "ho'oponopono"?
2. No ke aha e kaumaha ai ke kanaka ke loa'a nā pilikia ma ka hale a ma ke kula paha? Pehea e ho'oku'u ai i ia kaumaha?
3. Inā ua pilikia, no ke aha e ho'oponopono mua ai iā 'oe iho ma mua o ka ho'oponopono me ka po'e 'ē a'e?
4. He aha ka 'oko'a o ka pule, ke kūkākūkā, ka mihi, me ka 'oki?
5. Inā pilikia kekahi mau hoa papa ma ke kula, e aho ka ho'oponopono, a i 'ole paha, e aho ke kali i ka pono wale? No ke aha?
6. E haku i ka mo'olelo pōkole e pili ana i ka hukihuki o kekahi hānau mua me kona pōki'i. Ke pa'a ka mo'olelo, e hō'ike i kou mau mākua a i kāu kumu paha. Pehea, ua pa'a aku kekahi 'ano ha'awina no ka ho'oponopono iā lākou?

Nā nīnau laulā

- He aha nā ha'awina o kēia wikiō e pili ana i ka 'ike Hawai'i a me kona mau pono no kēia au e ne'e nei?
- Pehea e pili ai ia wikiō i kekahi mau hi'ohi'ona o ka mo'omeheu Hawai'i āu i a'o ai a i 'ike ai paha?
- Pehea kākou e ho'omau ai i kēia mau hana ku'una Hawai'i i kēia mua aku?